

<i>Ташилот номи:</i>	Адлия вазирлиги юридик техникумлари
<i>Таркибий бўлинма номи:</i>	Факультет (деканат)
<i>Танлов босқичи:</i>	Сухбат
<i>Савол йўналиши:</i>	Лавозим касб фаолиятига боғлиқ қонунчилик соҳаси (10 та казус)

1. Навоий вилояти юридик техникуми ўқувчиси А.Аҳадов техникум маъмуриятига техникумдаги ўқишни тиклаш тўғрисида ариза билан мурожаат қилди. Техникум маъмурияти ўқувчи А.Аҳадовнинг аризасига ўқиши билан боғлиқ бошқа ҳужжатларни илова қилган ҳолда ТДЮУга хулоса олиш учун такдим етди.

ТДЮУ томонидан Навоий вилояти юридик техникумининг хатига жавобан ўқувчиларни ўқишга тиклаш учун олий таълим муассасасининг хулосаси керак эмаслигини бевосита тегишли профессионал таълим муассасаси томонидан ариза кўриб чиқилиб ҳал этилиши мумкинлигини тушунтирилди.

Вазиятга амалдаги қонун ҳужжатларига асосланган ҳолда ҳуқуқий баҳо бериш.

2. 5. Хоразм вилояти юридик техникуми ўқувчиси А.Ботиров 2019-2020 ўқув йилида 1-семестрдан 1 та фандан ва ўқув йили якуни натижалари бўйича жами 3 та фандан академик қарздор бўлиб қолди.

Семестр ва ўқув йили якуни натижалари бўйича академик қарздорлиги бор таълим олувчилар рўйхатида ўқишдан четлаштирилди.

Бундан норози бўлган ўқувчи А.Ботиров Хоразм вилояти юридик техникуми директорининг буйруғини ноқонуний деб ҳисоблаб юқори турувчи органга мурожаат қилди.

Вазиятга амалдаги қонун ҳужжатларига асосланган ҳолда ҳуқуқий баҳо бериш.

3. Фуқаро Д.Ғаниева юридик техникумга табақалаштирилган контракт асосида ўқишга қабул қилинди. 1-курсда контракт суммасини табақалаштирилган контракт асосида ўқишга қабул қилинганлигини, контракт суммасини тўлаганлигини ва ушбу тўлов асосида 2-курсни ҳам битиришини айтиб 2-курс учун контракт тўлашни рад етди. Юридик техникум директори табақалаштирилган контракт миқдори ўқишнинг биринчи ўқув йилида қўлланилишини, 2-курс учун контракт суммаси алоҳида тўлланишини тушунтирди.

Юридик техникум директорининг ҳаракатлари қонунийми?

4. Юридик техникум ўқувчиси А.Алимов кредитлар миқдори (ГПА) ўтиш балини тўплай олмаганлиги сабабли юридик техникум директорининг буйруғига асосан талабалар сафидан четлаштирилган.

Юридик техникумда академик қарздорлиги бор таълим олувчилар ўқишдан четлаштириладими? Ҳуқуқий жиҳатдан асослантинг.

5. Фуқаро Н.Комилов Бухоро вилояти юридик техникумига контракт асосида ўқишга кириб 1 курсни тамомлаган. Оилавий шароити ёмонлиги сабабли 2021 йил 12 сентябр куни 2-курсда ўз хошишига кўра талаббалар сафидан чиқаришини сўраб ариза билан техникум директорига мурожаат қилган.

Н.Комиловнинг аризаси асосида техникум директори Н.Комиловни ўқувчилар сафидан четлаштириш тўғрисида буйруқ чиқарган

Н.Комилов техникум директорига 2021 йил 5 октябр куни ўқишга тиклаш ва сиртқи шаклига кўчириш юзасидан ариза билан мурожаат қилган. Техникум директори ўқишга тиклаш ва бир шаклидан бошқасига ўтказиш Адлия вазирлигининг рухсати асосида амалга оширилишини важ қилиб Н.Комиловнинг мурожаатини рад етган. Техникум директорининг мурожаатни рад етиши асослими?

6. Фуқаро Ҳ.Умарова юридик техникумга контракт асосида ўқишга қабул қилинган. Ўқув йилининг 1-курс контракт суммасининг биринчи ярим йиллигини тўлаган. Н.Умарова кам таъминланган оиладан еканлиги, шунингдек, онаси 1-гурух ногирони бўлганлиги сабабли ўқишини grant асосида давом етиришини сўраб техникум маъмуриятига ариза билан мурожаат қилган. Техникум маъмурияти унинг аризасини қаноатлантира олмаслигини тушунтириб ариза юзасидан Ҳ.Умаровага тушунтириш берди.

Ўқувчи Ҳ.Умарованинг мурожаати асослими? Вазиятга ҳуқуқий баҳо беринг.

7. Юридик техникумнинг “Суд ҳуқуқий фаолият” йўналишидаги мавжуд 12 нафар ўқувчи “Суд ҳуқуқий фаолият” йўналишини “Давлат ҳуқуқий фаолият” йўналишига ўзгартиришни сўраб мурожаат қилган. Юридик техникумнинг директори томонидан ушбу masala юзасидан Адлия вазирлигига ариза билан мурожаат қилишлари кераклиги тушунтирилган.

Маскур вазиятга ҳуқуқий ечим беринг.

8. Самарқанд вилояти юридик техникумида 2019-2020-ўқув йилида биринчи курс кундузги таълим шаклида нотариат йўналиши бўйича ўқишга қабул қилинган ўқувчи Ш.Шоимова 2020 йил 20 май санасидан бошлаб туғруқ таътилига чикди. Бу тўғрисида Самарқанд вилояти юридик техникумига

маълум қилди. Туғруқ таътилида бўлганлиги сабали ўқувчи Ш.Шоимова якуний аттестация имтихонларида иштирок ета олмади.

Самарқанд вилояти юридик техникуми директорининг буйруғига асосан ўқувчи Ш.Шоимованинг якуний аттестация имтихонларида иштирок етмаганли сабали ўқишда четлаштирилди.

Туғруқ таътилидан 2020 йил сентябрда қайтган ўқувчи Ш.Шоимова узрли сабаби мавжудлиги учун якуний аттестация имтихонларини топширмақчилигини айтганида техникум маъмурияти томонидан унинг ўқишдан четлаштирилганлиги ва ўқишга тикланиш учун ариза билан мурожаат қилиши лозимлиги тушунтирилди.

Вазиятга амалдаги қонун ҳужжатларига асосланган ҳолда ҳуқуқий баҳо берилди.

9. Тошкент вилояти юридик техникумида 2020-2021-ўқув йилининг 2-семестри якунида 27 май куни 2-курс “Давлат хизматлари” йўналиши ўқувчиларидан фуқаролик ҳуқуқи фанидан якуний назорат имтихони олинди. Имтихонни бошлашдан олдин аудитория кузатувчиси томонидан ўқувчиларга барча тартиб ва қоидалар тушунтирилди.

Тушунтиришга қарамасдан ўқувчи А. ва ўқувчи Б.лар қоғоз шаклдаги шпаргалкалардан имтихонда фойдаланишни бошлаган вақтда аудитория кузатувчиси томонидан шпаргалкалар олиб қўйилди ва уларга огоҳлантириш берилиб яна шу каби ҳолатлар такрорланса далолатнома тузилиб имтихондан четлатилиши мумкинлиги такрор тушунтирилди.

Ўқувчи Б. огоҳлантиришларга қарамасдан биров вақтдан сўнг уяли алоқа воситасидан имтихонда фойдаланаётган ҳолатда қўлга тушди ва далолатнома тузилиб имтихондан четлаштирилди.

Ўқувчи Б. бундан норози бўлиб, имтихондан четлаштирилишини ноқонуний деб ҳисоблади.

Вазиятга амалдаги қонун ҳужжатларига асосланган ҳолда ҳуқуқий баҳо берилди.

10. Сирдарё вилояти юридик техникумининг 2020-2021-ўқув йилида текширилган якуний назорат ишлари ТДЮУ ходимлари томонидан қайта текширилганда меҳнат ҳуқуқи фанидан якуний назорат ишига қўйилган баллар асоссиз юқори қўйилганлиги маълум бўлди.

Ҳолат юзасидан тегишли тартибда баённома расмийлаштирилди ва меҳнат ҳуқуқидан якуний назорат ишларини текширган педагог ходимга нисбатан интизомий жазо чораси кўриш бўйича ТДЮУ томонидан юридик техникум директорига такдимнома киритилди.

Вазиятга амалдаги қонун ҳужжатларига асосланган ҳолда ҳуқуқий баҳо берилди.